

重修伊陽縣志卷之四

知縣湖南清泉張道超輯

人物志

鄉賢  
方伎

耆舊

武勳

流寓

仙釋

列女

伊陽與陸渾伊闕迭相廢置今陸渾在嵩伊闕在洛篤生人物二地早爛然簡冊舊志所載幾疑借才然沿革可稽卽維桑止敬別之曷若因之若設縣後灼然可考者例得備書志人物

鄉賢

裔

伊尹力牧之後居伊水見呂氏春秋堯之後也今洛之伊陽縣伊

川路  
史

伊陟尹之子爲左相祀鄉賢

後漢

胡昭陸渾人後漢末隱居陸渾山躬耕不仕盜孫狼爲亂戒衆毋得人邑人賴以保全魏文帝辟召不就年八十九而卒祀鄉賢

唐

孫平子伊闕人博學能文舉文詞清麗科翰林學士通志見

薦辟

後爲右正言簡直敢諫開元中遷中宗於別廟而祀睿宗  
平子上言春秋譏魯躋僖公兄臣於弟猶不可躋况弟臣  
於兄乎若以兄弟同昭則不應出兄置於別廟太常博士  
陳貞節馮宗蘇獻以平子誣罔獻頽之兄也卒從其議平  
子論不已謫爲都城尉然時論多是平子祀鄉賢

劉廼字永夷伊瀾人少穎悟誦六經日數千言善文詞爲時  
推目天寶中進士建中四年拜兵部侍郎德宗狩奉天廼  
卧疾私第朱泚遣人召之固稱篤復遣僞相蔣鎮慰誘廼  
佯瘖不答泚無完膚鎮知不可脇遂止廼聞車駕如梁州

自殺於林搏膺呼天不食卒年六十帝聞其忠贈禮部尙

書諡貞惠

通志云諡忠惠見忠烈

祀鄉賢子伯芻字素芝拜右補闕

稍遷侍郎孫寬夫寶歷中監察御史端夫太常博士以駁

韋綬諡議知名寬夫子允章咸通中禮部侍郎

李素刺吏燮之子祖乾秀爲伊闕令因占籍焉元和初舉明

經

通志云舉制科官侍郎見薦辟

歷官京兆尹監察御史正直不阿權貴

憚之曾知蘇蘄二州時李錡叛素提兵邀擊之馬蹶爲賊

所獲會錡敗得脫賜紫衣金魚拜河南少尹卒年五十八

昌黎韓愈銘其墓

按韓誌云非河南伊闕鳴皋山下鳴皋今在嵩界故誌銘不載祀鄉賢



子四人長道敏舉進士次道樞道本道易皆好學而文

任仲伊闕人事親居喪著至行

見唐書

宋

李琪伊闕人幼孤撫育於兵家因得給事宣祖左右以材力見稱及太祖受禪以徵辟舉累遷効忠都虞侯太平興國初爲富州刺史後加左武衛大將軍景德中移疾歸真宗念舊勞月賜俸錢終其身祀鄉賢

程顥字伯淳珦第二子甫冠舉治平中進士授京兆鄠主簿調上元又爲晉城令民以事至縣者必告以孝弟忠信尋

授中允權御史裏行神宗數召從容諮訪顥以誠意感主  
前後進說甚多王安石更法令顥每爲帝言君道以至誠  
仁愛爲本未嘗及功利乞去言職及改簽書鎮寧軍節度  
判官又改太常丞知扶溝縣監汝州酒稅哲宗立召爲宗  
正寺丞未至卒年五十四顥資稟旣異而充養有道純粹  
如精金溫潤如良玉寬而有制和而不流忠誠貫於金石  
孝悌通於神明視其色其接物也如春陽之煦聽其言其  
入人也如時雨之潤胸懷洞然徹視無間自十五六時聞  
汝南周茂叔論道遂厭科舉之業慨然有求道之志未知

其要泛濫於諸家出入於老釋者幾十年返求諸六經而後得之明於庶物察於人倫知盡性至命必本於孝悌窮神知化由通於禮樂辨異端似是之非開百代未明之惑

爲政治惡以寬處煩而裕當法令繁密之際未嘗從衆爲應文逃責之事人皆病於拘礙而處之綽然衆憂以爲甚難而爲之沛然雖當倉卒不動聲色深有意經濟方召用遽卒士大夫識與不識莫不哀傷焉文彥博採衆論題其墓曰明道先生謚曰純淳佑元年加封河南伯元至順二年加封豫國公從祀

文廟

程頤字正叔顥之弟少遊太學試頤子所好何學論胡安定得之大驚處以學職哲宗朝擢崇政殿說書疏言人主接賢士大夫之時多親宦官宮妾之時少則君德成就每當進講必宿齋預戒潛思存誠冀以感動上意然入侍之際容貌極莊謂人曰吾以布衣職輔導不敢不自重也以天下自任議論褒貶無所顧避由是同朝之士疾之如讐與其黨類巧爲詆謗遂請罷歸田里紹聖初追貶元祐諸臣頤編管涪州徽宗立判西京國子監受俸一月致仕崇寧

二年言者希蔡京意論願邪說該行惑亂衆聽除直秘閣  
名願乃遷龍門之南止四方學者曰尊所聞行所知可矣  
不必及吾門也五年復宣義郎致仕卜居陸渾卒於家年  
七十有五願於書無所不讀其學本於誠動止語默一以  
聖人爲師得孔孟不傳之學爲諸儒倡著易春秋傳平生  
誨人不倦故學者出其門最多淵源所漸皆爲名儒世稱  
伊川先生高宗朝詔贈直龍圖閣謚曰正淳祐元年加封  
伊陽伯元至順二年加封洛國公從祀

文廟

按程子故里在嵩墓在洛皆非伊境然伊析自嵩而嵩  
在宋時名伊陽高山景行未可以後世之方域限也

耆舊

唐

梁肅字敬之陸渾人建中初舉文詞清麗科擢太子校書郎  
蕭復薦其材授右拾遺修國史以母老不赴召爲監察御

史轉右補闕翰林學士卒贈禮部郎中

通志誌  
文苑

卓保昶天成中官殿直銀青光祿大夫檢校工部尙書兼御

史大夫上柱國夫人李氏葬於城北今名其村爲卓墓

保

雖無事蹟可誌然確見爲  
伊人其爵其地不忍沒也

元

蘭溪伊陽人官監察御史

舊志作  
藍玉誤

明

張大興三屯鎮人邑中富戶出粟貸人往往取息幾倍貧者  
益窘大興慨然出已粟且輸地爲公家有擇廉平者掌之  
薄取贏息以濟匱乏又獨任合族中之徭役以息爭競邑  
令武公鈞表其閭曰義重一鄉萬歷三年居民立有碑記  
劉廷臣邑庠生嘉靖時人專親孝承歡孺慕無間朝夕父亡

墓西郊廬墓三年哀思終身卒妻張自縊以殉妾陳氏撫

孤四十餘年孝節萃於一門雍正六年入忠孝祠先是萬歷三十

七年建祠立

坊載孫志

張維垣字奎岳以選貢中萬歷庚子鄉試幼孤繼母夏撫育

之性穎悟日誦數千言登賢書不第篤志力行事繼母至

孝同祖兄弟七人友愛無間言遇歲歉煮粥賑飢設義塾

延師以教邑中子弟之貧者創修義渠疏汝水溉田數十

頃居民賴之事詳孫傳康熙丙寅年從里民請祀鄉賢

魏文麗下蔡鎮人建義學於岱岳觀損已地出脩脯以延師



邑令令公宗澤陸公宗贄義重之爲之申請以垂永久今地不可考矣義學基碑記猶存

葉巍然字愛貧庠生明季地糧不均窮黎苦之天啟七年巍然詣闕上疏請丈地均糧崇禎十三年歲大旱不停徵巍

然又上災傷疏請旨蠲免邑人德之雍正六年入忠義祠

張言順字蒲溪好善樂施崇禎時屢行賑濟贈義官有墓碑

劉昌嗣字繩哉廩膳生父鯤邑庠生明末流土賊寇交訖鯤

父子避賊驚散鯤遭土寇馬一平害之甚慘烈事平昌嗣

歸控官不獲理屢欲手刃之又不獲已而一平死每恨大

仇未報晨昏慟哭遂絕意舉業語人曰吾父死於非命吾忍以善終乎其子溥與家人謹守一日伺守者偶懈自經而死

張化龍大安鎮人邑廩生明末土寇猖獗避邾投徒城陷獨整衣冠危坐廩舍中賊大奇之諭使降化龍責以大義遂遇害諸生趙先第有傳載藝文

杜象海字谷王何南秀字彥列俱諸生爲伊名宿崇禎甲申聞李自成犯京都二人北向痛哭棄廩餼入山不知所終

孫志載杜生何生不辭妻孥不留姓名謝志始詳

王慎勤字靜宇少爲諸生攻苦績學爲文沈雄典博屢試高等學使校士兩河目爲國士僅中副車入仕士論惜之

傅鳳翔歲貢生闖賊入境同里避亂河北賊退相攜旋里分已田以予衆

邢可述以文生通武畧闖賊逼境邑令孔貞璞詳給千總劄付保守金山寨賊攻二十餘日不下後爲讐人誘陷賊中不屈死先是訛傳可述已降寇訪確後人皆感泣邑紳李馥爲立傳

國朝

庠生邢于廷可述子因父死于賊日夜痛哭淚盡繼之以血  
後獲仇人聞於官以通賊訊實立時正法有山西少年夫  
婦奉母逃荒至白元母病乏食欲賣妻以養母于廷聞之  
助粟米給藥餌夫婦獲全母病亦愈洛紳溫煖爲立傳

常秉彝字全樸性恬淡不樂仕進授陝州訓導告歸清苦異  
常舌耕自給伊人士多所造就前明胡志散佚順治己亥  
偕劉別駕象明搜輯纂修於邑乘實有草創之功

夏毓鳳字鳴陽歲貢生博聞強記值明季兵燹後友教伊洛  
汝封間經史皆口授一時知名士皆出其門子廷璧字金

章中康熙癸巳恩科舉人以侍親疾未赴公車父沒孺慕終身

翟安宅字元居邑廩生湯西崖學使集諸名士遊風穴與汝上翟節有二難之目講學汝洛間嘗言爲學本分內不得留一缺處本分外不容參一妄想時以爲名言

楊琮字子獻邑廩生居秦淀村著有四書貫旨自敘云生平文藝草蛇灰線得力於雲中官斯書鴛鴦繡出金針暗度李乃果字天木邑增生誦遺書或問等書不訛一字據舉比而談四座風生性嚴正面數人過而人不怨嘗與里中張

全仁同研席全仁字統萬邑增生李研精傳註張則貫穿  
古今爲千言立就晚年究心醫術著有經驗良方痘疹  
備覽等書

夏昌言字文菴號雲峯祖上達拔貢生蒲州司馬昌言制行  
不苟教子有義方著四書易解滙叅黃際飛李岱雲汪武  
曹諸說有功後學

申舒字坦公博學能文歲貢生著易象援古子拔貢生爾宣  
爲之輯解又輯介錫堂稽古集十四卷蒐羅甚富

李景仙字又青歲貢任濟源司訓爲士林楷模曾纂修伊邑

志

馬文炳字煥若邑廩生嗜學不倦工舉業誨邑中後進性嚴正不少獎借知名士多出其門不及貢而卒士林惜之

陳廷輝伊陽人太學生祖兄弟二人廷輝祖行二家產尙未分析乾隆五年始分族議應照祖兄弟兩分之廷輝念伯祖後再從弟二人恐難爲生祖後惟廷輝一人乃三分之一而取其一宅舍六所聽從弟擇其四遺二所廷輝居之復延師教訓家房子侄得讀書有成爲縣學生

張淑孔伊陽人幼喪父每思不能奉養且暮哭泣致左目失

明事母至孝知母心愛其弟欲厚之而不言淑孔卽將已分受之屋讓與弟居無吝色歲時伏臘遇人卽勸行孝友常終日媿媿不倦

史國柱伊陽人爲本縣吏員爲人好義與山東人晁爲兆合貲貿易爲兆患足疾回家有應分銀六兩七錢國柱無可寄還收存數年因見縣東鑼鼓庄至石橋三里許道路窄小國柱將前銀僱人修理寬濶工竣之日仍捐貲立石曰晁君遺金修路碑隣人林玉死其子黑兒貧不能殮欲賣

妻續葬國柱聞之施以棺具助以牛車人夫俾舉其喪黑



兒夫婦得免分離

汪湛然伊陽縣學生少喪父家貲千金爲長兄所廢湛然以課蒙奉母母沒喪祭之事獨力任之仍時周給其兄且代還逋負無怨言慍色

張鳴九伊陽人貢生曾用價六十金買里人馬國榮房地後國榮貧甚無聊鳴九憫之不取原價折券還之國榮從此有房可居有地可耕遂以存活從兄祐私賣公地三十畝致合族控官鳴九捐貲贖公地以解訟端里人韓祥年三十貧不能娶鳴九助之二十金祥得成婚

翟得臣伊陽人有邑人王福母死貧無以殮賣其幼子以殮  
得臣聞之惻然且敬福有孝思將已地典銀贖福子俾骨  
肉完聚

張文錦伊陽人伯母牛氏少寡乏嗣貧無所依文錦迎養於  
家牛氏賴之壽至七十有餘全節而終祭葬盡禮

王興山西人寄居伊陽之棗林鎮年七十餘隻身無依爲人  
牧羊將每歲所積雇值濟人貧難同村王雲王騰雲貧不  
能娶各助銀一兩許西樓谷苦贈銀五兩慷慨仗義類如

此者

張其伸伊陽縣學歲貢生佃者負租授以券輒受之歲久貯  
數百紙積五百餘石其伸曰券存雖不責償貧子終不白  
安且安知後日不爲口實也悉焚之嘗遇負販者遺金泣  
於市其伸贈以白金五兩販者曰一家罄罄今公實生我  
矣拜而去

自陳延輝起至張其伸止凡九人  
乾隆六年巡撫雅采入彰善錄

馬希融字經翊乾隆乙酉科舉人任福建建安縣知縣致仕  
嘉慶二年有流寇將入境公與邑令虞公奕授熟商在城  
西四十里望師崖下掘深塹斷其要道寇至嵩邑黃家庄  
聞風遁去

監生陳長泰覃懷人流寓伊陽其曾祖一孝創修白元鎮永濟石橋當夏秋之間山水暴發橋孔淤塞不通河流橫溢因捐貲雇工疏通水道以便行旅每年所費十餘金已歷三世

張鳴鵬天性孝友堂弟鳴鶴早逝遺一子各俊甫數歲後逃去乞食四方鵬聞之覓得於內鄉山中適遇虎祝曰寧食我毋食我侄虎竟去攜歸待之不異所出爲延師課讀娶妻生子臨終囑其子斌曰俊非吾生實吾教育當以胞弟視之斌遵遺命予以產業之半俊堅辭不受斌不聽卒均

分焉

貢生張翰昂多義行嘉慶九年有車旺賣其妻妻泣不去而賣婦金已償債矣昂出十餘金贖回安其居資其食夫婦復完

貢生張雙慶親歿廬墓三年免田租數百石以廣親仁

千總黃士俊字越千創建石橋于三屯街北又創建石橋於石門龍潭之南修茶亭一楹茶菴三楹施地十八畝以爲燒茶之貲均有碑記

石文秀字鍾靈號鳳崗乾隆甲子舉人乙丑明通授偃師教

諭甲戌成進士任山西陽高縣知縣署大同府同知其在陽高時弊除風清諭民開治荒田仿井田法緩徵墊解里差不擾建立社學多處士民感德樹有思政碑

石重華字協堂號珠峯嘉慶元年保舉孝廉方正性恬澹不樂仕進著有雲門詩鈔讀左偶評

石重庚字西有號吉三攻苦力學屢試棘闈不售援例知縣周貧乏焚債券義聲滿閭里先是嘉慶三年重庚設義學於本村無力者俾就讀焉至道光八年復經本任勸諭各

村鎮曾設義學重庚繼室王氏謂其子曰此汝父二十年

未廓之素志也汝其獨力成之此亦內閭中識大體者

貢生李森大安人家本素封與弟析產時念弟有丈夫子六而已惟一子兩分之恐弟難爲生遂七分之而取其一宅舍亦如之未幾又有汪名揚之事

庠生汪名揚大安人同母兄弟五人而名揚嗣爲叔後同居家豪於財有田三千畝廬舍稱之析產時名揚承叔產應得其半念同胞不忍獨豐遂以五分均焉此與前明張公士選析產何異二君亦賢矣哉

張修道字仁菴乾隆戊子科武舉內埠鎮人嘉慶十八年歲

大祿獨捐數百金助粥廠食餓者

劉彪字翼修號蘭谷工書喜施濟值歲歉嘗焚債券有族女

表甥女父母早亡俱收養成人遣嫁如禮鄉人稱盛德焉

劉仲舒字漢一號正山嘉慶丁卯科舉人授考城訓導上蔡

教諭性耽經史尤通周易爲文有法度一時碑版多出其

手掌教紫邏書院多所成就著有羣雅堂文集周易集說

余坤小店鎮人慷慨有作爲鎮故有與平渠廢已久坤力排

衆議重濬之較前增埝爲倍濶起紫邏山下繞鎮而東迤邐

五里餘灌田數十頃與入於春秋報賽至今猶口祀之



監生馬溯源字本菴好施濟嘉慶甲戌春有逃荒焦姓欲賣妻存活溯源留其夫妻子母於佃戶家日給粟米不使匱乏數月後麥熟始遣歸

黃深黃巨珉嗣子也後珉惑於族論謂深獨子不宜出嗣遂逐深另繼乾隆乙巳歲大饑珉適外出另繼子席捲所有攜妻遁去珉歸無以爲家且染疫病憊深夫婦聞之不召自至飲食醫藥未嘗廢離迨疾愈迎養於家遂爲父子如初歷十九年起敬起孝人以爲難

閆九閣字殿弼一鄉善士也族有孀無依迎養十三年如一

日嘉慶癸酉大饑量周其極貧者無德色鄰人李氏無以葬其父母慨然以塋地予之戴嘉賓爲立傳

戴禮纂字廣淵喜施予登封饑民張姓散之伊陽死于路具衣衾棺槨葬之尤姓死無以葬施地一區其他推解折契焚券之事多有可徵朱銓成爲立傳

廩生李澧字蘭隈屢試不售遂絕意進取邑令高克三延主紫邏書院及門士皆知名家貧門生舉人申懋本等爲舉其喪並立雅韻春風碑

貢生馬釗字子懋性嚴厲生徒無長幼皆敬憚之從遊益衆

其故人嘗題楹帖贈之有腹藉詩書千卷古門栽桃李四  
時春之句授溫縣教諭月課諸生如疇曩設帳時著有大  
學中庸講義及歿受業者爲立感德碑

貢生常樂志字怡庵性利雅循循善誘從遊者如坐春風中  
登賢書被深衣者至六十餘人王蓮府大司寇視學中州  
榜其間曰桃李滿門嗚呼盛矣

庠生常篤學字敏公號靜齋性孝友喜施子歲饑嘗減價平  
糶佐荒政捐田爲叢塚最義端之大者其他睦婣任郵亦  
有足稱邑人士爲立銘善碑

武生尙彥吉暨妻王氏事繼母至孝母患癱瘓三年不起彥吉移床母側昕夕不離母卒痛哭至死者再

李夢筆謝青山謝義西棗林人以地無講課所謝義施地一

畝夢筆青山建亭其間名曰課亭

貢生杜守愚字顏如嗜學能古文潔已自好其所心得悉以授之從學誨人不倦守愚有焉門生馬九功爲立教思無窮碑

武生李大勇於大安鎮設一小逆旅一日有古絳客李恒聲寄宿遺金三百爲店傭所收呈於大勇藏之年餘客返復

止舊室偶言遺金事大勇舉以還之安襄鄖道李敏學義之勝其門曰古奇男子惜店傭佚其姓名

段璧字荆璞內埠鎮人家貧賣餅市中於道旁拾金七十兩曰此必過客所遺守候之及暮果有客倉皇至泣謂支銀七十兩歸營喪葬今忽遺失不如死璧以其言符卽以原金還客客感其義爲表其門而去

監生傅鑰白元鎮人性堅確有長者風偶過金陵崖拾金三十兩訪知失金者姓名居址卽寄還之

葉體中涪泊鎮人家赤貧一日拾遺金百兩曰此儻來物無

在國史元  
卷四  
故蒙福不祥有泣而至者詢之卽失金人也舉以還之里  
人爲之樹扁

李鳳字祥字少失恃孝事繼母繼母攜有三子以養以教迨  
長咸爲授室二老歡甚大憲雅公聞而賢之表其門曰善  
體親心

歲貢馬金錫字雙南堂叔琇早亡爲之嗣事嗣母以孝聞母  
遺腹生弟金蘭友愛甚篤表揚建坊一身獨任不費弟貲  
遇宰牛者價買使人畜之人或詐而轉鬻亦不索其值也

其仁厚類如此

李蘭秀字晚九少貧糞柴而讀有至性嗣父遭奇疾痿痺床褥蘭秀左右奉養終其身多善行橋於河而人無病涉尤爲善之大者汪鍾瑛爲立傳

馬滋杓字玉堂好學工行草書兄與析居滋杓願獨奉母族議宜除養老資滋杓曰豈有爲親而計利者遂弗除他如施塋地以便族焚券施藥以濟人亦有足多者

監生杜廷標字錦堂以父應拔修復永昌渠久而將壞復捐膏腴田數畝濬之灌地十餘頃建橋其上鎮東有古路北倚危崖南臨大壑石磴嶮崎行者惴惴廷標捐資修復高

十餘丈寬三丈今爲坦途素精越人術因設藥肆以給貧者邑令林朝陽爲立傳

貢生夏葉字綠塘敦厚樸實沈靜寡言嗜學雖日不舉火而誦讀未嘗少輟啟迪後進知名士多出其門著有土音平仄辨混舉人劉仲舒爲立懿行碑

增生張辰字天樞母病癱瘓扶持奉養十餘年母卒獨居三年與弟寅友愛尤篤迄今里人稱之不衰

舉人魏王官字殿卿主紫邏書院暨寶豐寅賓書院講席遐

邇名士多出其門選授浙江壽昌知縣署嘉興府通判致



仕歸半船明月兩袖清風晏如也壽臻大耋而卒

廩生任彬字國華陡溝村故有大木橋建自前明萬厯歷久  
朽敗彬遵父遺命改建石橋謹用度節衣食十餘年始克  
就時嘉慶九年也

舉人石克紹字聞衣啟迪後進各有樹立著有清平間記十

卷

詳見  
選舉

武生竇魁鼎字文長至性孝友婦歿終身不娶

詳見  
藝文

貢生陳淑櫟慷慨有爲雍正末歲大祲嘗煮粥三月以食餓  
者中丞王以萬石風徽榜其門城內西北高於東南遇霖

雨民居多壞淑櫟於城隅穿瀉水溝一道長百餘丈下達  
汝河至今利賴

庠生陳文琬字翰圃好學能詩制行端謹邑中每有公事如  
修築之類邑令倚如左右手州刺史董表其門曰公勤整  
飭堂侄伯欽物故繼室趙堅矢柏舟節文琬衣食之終其  
身又輸地入普濟堂以養無告不負所學文琬有焉

一行著稱孝友則有監生段洵申治本生員黃呈瑞友愛則  
有呂如楨任卹則有張瀚張毓榮胡敬周樂育則有姬雲

錦修橋則有李淑林修路則有監生李汝春趙登甲施路

則有奉祀生韓景山監生張笙王繼堯常子芳從九品張  
汝霖醫藥濟人則有監生張永生汪鎮謝敬修楊毓奇傅  
鎮翟成己施茶則有康應福竇士傑

武勲

後魏

李長壽伊川人孝昌中爲防蠻都督長壽盡其智力防遏羣  
蠻伊川左右寇盜爲之稍息孝武西遷長壽帥其徒拒東  
魏魏以爲廣州刺史侯景攻殺之子延孫佐賀拔勝爲都  
督肅清鴟路頗有功力焉長壽被害延孫收集其父之衆

拒齊魏之貴臣皆往依之延孫資遣衛送使達關中東魏  
高歡數遣兵攻之不能克延孫以澄清伊洛爲己任魏以  
韋法保爲東洛州刺史助之既至與延孫連兵置柵於伏  
流延孫爲其長史楊伯蘭所害法保卽據其柵延孫弟義  
孫子人傑俱官至開府

宋

翟興字公祥伊陽人建炎初南渡詔能拒金守陵寢者予之  
官興與弟進應募結砦牛山立功號大翟小翟詔以興

爲京西北路安撫招討使西京平賊王俊據汝州興引兵

攻之俊退保織蓋山興免胄大呼我翟總管也衆皆披靡  
遂破之四年以興爲河南鎮撫使寓治伊陽俾立顯功時  
河東北雖陷土豪聚衆保險興遺蠟書結向密王簡王英  
輩皆願受節制高宗授河東北路軍馬使金立豫爲齊帝  
將遷汴以興屯伊陽山憚之遣蔣頤持書誘以王爵興斬  
頤而焚其書豫復陷興裨將楊偉以利殺興事聞贈保信  
軍節度使興狀貌魁偉每怒鬚輒張在河南累年軍少食  
之士以菽粟雜藜藿食之而能激以忠義莫不自奮金人  
畏之諸陵得不侵犯詔賜軍名忠護以其子琮嗣職紹興

中劉豫盡有梁衛之地琮不能孤立乃棄伊陽突圍奔襄陽弟琳官閣門祇候

翟進字先之興之弟同應募擊劇賊王伸建炎初金粘沒喝焚西京而去金人逼靈山砦進父子兄弟與戰至洛城破關入擒僞西京留守高世由再提於伊陽白草塢詔爲西京北路安撫使兀朮復入西京進復集鄉兵與戰屢敗之金人引去進在伊陽哀散亡纔千人生擒金將翟海金人聚數州之衆薄城下斧諸門入進率士卒巷戰次子亮妃

之河北寇楊進降於宗澤復叛衆至數萬剽掠汝洛間進

與其兄興謀擊之楊進遣騎數萬絕三州犯進營進乘  
渡擊之破賊四砦馬驚墜塹爲賊所害賊大敗官軍楊進  
居鳴皋山北興與子琮率鄉兵時出擾之賊懼走興邀擊  
於魯山賊中流矢死衆潰河南平贈進忠州刺史官其後  
五人事俱詳通鑑綱目雍正六年以翟興翟進入忠義祠

明

仝潤字維瀚居杜水嘉靖戊子旱蝗諸路盜賊蜂起伊陽尤  
甚潤素有威望與兄澤謀於馬繼先周經王佐等爲備賊  
計八月廿五日賊寇蕭家庄時潤在縣聞兄澤帥衆與賊

戰卽單騎赴救賊稍却潤代兄當前鋒殺賊無算賊遺賂於野誘衆潤立斬數賊力竭爲賊所害詳見碑記

李攀桂庠生闖賊作亂約鄉里修土門砦賊攻寨四十餘日攀桂守之愈固獨出已粟給里民食合寨保全活人千餘  
口年九十七歲而卒

國朝

竇三畏字肅公大安人父揚善三畏年十七體貌魁傑齊力驍勇值明末避寇至南昌順治四年

王師南下固山額真譚泰等畧江西久未下三畏投誠設策助戰



獲勝江西平

賜璽書入漢軍鑲藍旗世襲三等阿達哈哈番嘗督餉海上瞭者  
言東南有光熒熒然三畏曰此賊舶也嚴陣以待分兩翼  
約入港舉礮黎明果賊至礮發合圍殲之無一脫者自是  
屢建奇績防守鎮江與左都督陳文達勦通洋大盜田之  
助等報捷都統劉之源上其功

召見予贈蔭留任

賜金千兩便道還伊陽省墓年五十二卒於都中無子以姪耀爲  
嗣孫士忠襲職士忠字孝移康熙間吳逆構難宣力荆楚

者六年嘗戰酣覺耳邊有聲歸視其頭盪有礮子深入寸許而不之覺也論功復

予世襲移駐廣東子繼祖字景先孫雲字從龍俱襲職

流寓

周

孫贖濮人與龐涓同學於鬼谷子

今傳伊地有墓

蘇秦洛人張儀魏人同學於鬼谷子

相傳雲夢山王禪洞卽其授經處

鬼谷

子與二人書曰二君豈不見河邊之樹乎僕御折其枝波

浪盪其陰上無徑尺之陰身披數千之痕又不見岱嵩之

松柏華霍之檀桐乎上枝干於青雲下根通於三泉千秋  
萬歲不受斧斤之患蓋所居然也

漢

嚴光字子陵餘姚人光武帝少與光同遊學及卽位以物色  
訪之得於齊國累徵乃至拜諫議大夫不肯受去耕釣於

富春山中以壽終於家

按綱目考异云光本姓莊史因避  
明帝諱改作嚴又新安志載光爲

富陽人今相傳嚴莊爲子陵故里豈光武發跡宛洛間少  
與同遊時固居相近耶想當然語闕疑可也若舊志俱目  
爲隱逸則史明云耕於富  
春山矣安得列人伊陽

唐

孟詵汝州梁人擢進士第神龍初致仕居伊陽山沿方藥磨  
宗召將用之以老固辭尹畢構以詵有古人風名所居爲  
子平里開元初年九十三詵常語人曰養性者善言不可  
離口善藥不可離手當時傳其當

宋之問汾州人天寶中遊陸渾遂占籍焉同時有岑參南陽  
人亦留籍陸渾俱以詩傳世

姚崇硤石人年二十時居廣成澤

地在今石家嶺村東北摩  
天嶺西百許步詳見古蹟

元德秀字紫芝新唐書卓行傳德秀舉進士補龍武軍錄事  
參軍家苦貧乃求爲魯山令前此墮車傷足不能趨拜太

守待以客禮有盜繫獄會虎爲暴盜請格虎自贖許之吏

自彼詭計且亡去無乃爲累乎德秀曰許之矣不可負約

卽有累吾當坐不及餘人明日盜尸虎還舉縣嗟嘆元宗

在東都酺五鳳樓下命三百里縣令刺史各以聲樂集是

時頗言帝且第勝負加賞黜河內太守按通鑑作懷州刺史考百官志天寶

元年改刺史曰太守此在開元二十三年於時官制猶未

改何得遽云河內太守又新書云旣擢第母亡廬墓側服

除以寡困謂擊優伎數百被錦繡或作犀象瓌譎光麗德

秀惟樂工數十人聯袂歌于爲子于爲子者德秀所爲歌

也帝聞異之嘆曰賢人之言哉謂宰相曰河內人其塗炭

乎乃黜太守德秀益知名虜得奉祿悉衣食人之孤遺者  
歲滿筭餘一縑駕柴車去愛陸渾佳山水乃定居不爲牆  
垣局鑰家無僕妾歲饑日或不爨嗜酒陶然彈琴以自娛

杜甫字子美舊唐書本傳本襄陽人後徙河南鞏縣

註後又徙居河

南故公之田園都在鞏洛

乾元元年六月自左拾遺出爲華州功曹冬

晚間至東都歸在陸渾莊有憶弟二首

按唐書地理志伊闕縣有陸渾山是

公嘗流寓

伊闕也

鄭珣瑜字元伯鄭州滎澤人少孤值天寶亂退耕陸渾

房瑄河南人少與東平呂向隱於陸渾伊陽山中讀書凡十

餘歲向字子回少孤依外氏居陸渾工草隸能一筆環寫  
百字若縈髮然世號連錦書開元中召入翰林進左補闕  
賈真字師道河陽人嘗與柳宗元父同室讀書爲人謹順少  
調河陽尉才吏也後五十歲隱伊陽小水村著書二十卷

金

許古字道真宜陽人昌明初登詞賦進士第哀宗時爲左司  
諫致仕居伊陽郡守爲起伊川亭古性嗜酒每乘舟出村  
落間留飲十數日不歸泝流而上老幼爭爲挽舟數十里  
不絕

陳一孝字動天懷慶人貿易伊陽白元好善樂施常周濟窮獨助給婚喪饑歲盡出己粟以周貧乏建修橋梁獨捐囊金數百以利行人又嘗率衆捐建

關廟功成則善歸衆人而不居其名昆仲四人友恭相處同居四世內外和睦伊人猶勒碑以誌其寔云

方技

金

馮漸河東人初以明經入仕性與俗忤尋棄官居伊水上以

符藥治疫多效有道士李君善視鬼尤推重馮謂當今制



鬼無如漸者人始知漸爲有道往往稱其名鬼卽遁去

明

張應斗字崑北廩生家世傳易尤精於占有藏金而失其地者筮之得乾之九四曰上不在天下不在田中不在人必牆間隙處也覓之果然明末避兵葉縣授徒村舍中流賊來去不常其占皆不爽期邑人視爲趨避時有賊梳兵篋之謠附近居民獨免蹂躪皆公之力也

張澤沽泊鎮人精醫有盧扁之目邑令李保舉醫學訓科題其門曰學參靈素

寶淑儀字禮亭精越人術病愈不索謝亦無德色四十年如

一日

仙釋

周

王詡一名詡登封人晉平公時入雲夢山採藥得道顏如童

少居青溪之谷因號鬼谷居人間數百歲後不知所之兒廣

輿記 通志云楚人今伊陽城東南八里

有石洞存焉或曰嵩高之陽城亦有鬼谷

漢

尹軌字公度博學五經尤明天文星象河圖讖緯晚乃學道

常服黃精華日三合許年數百歲腰佩漆竹筒十餘枚中  
皆有藥言可避兵疫又能銷鉛爲銀銷錫爲金至太白山

中仙去

見水經注

梁

元珪姓李氏伊闕人生有異質永淳二年隸居登封之閉居  
寺律戒惟謹後悟少林禪宗

唐

劉小姑貞元時人死七日而返魂記金剛纂傳於世證位青  
山祖師里人立廟於內埠鎮州志謂爲禹錫女未知何據

任希道號紫邏樵叟有劉謙者長慶中進士寓紫邏山其表兄鄭南海牧梁宋謙用匱欲往求援偶行藥肆少憇有樵叟倚擔於壁就坐其側主人怒叱之劉歛衽起曰某聞人也樵叟或要藥物有急難懇請不可令去復揖坐問所欲叟曰請一幅紙及筆硯耳劉授之叟書畢授劉覽之驚異筆勢遒逸超踰尋常其書曰承欲往梁宋梁宋灾方重且夕爲人訟承欲訪鄭生鄭生將有阨卽爲千里客兼亦變衫色後署紫邏樵叟任希道書讀際失叟所在月餘聞鄭爲人訟黜官千里外遂歸紫邏物色求訪不復見叟寶

藏其書

元

通真子姓宋名道誠本洛陽人少驍勇好弓劍仕金至輔國

上將軍鎮戍秦中遊慶陽靈虛觀遇李神峰語老子谷神

章悟其大旨弃職遨遊復歸於洛值河南北已屬元卜築

伊陽懷吉之桃園山下時有邑長山君榮及馬君澤等共

謀以衛姓舊宅捐與之通真子率徒侶墾闢其中立丹陽

觀又有醫者梁楫復輪以城東別墅乃復立林泉觀因廡

地得琉璃瓦破磚上有桃源宮字因名爲桃源宮今之馬

藍觀蓋卽其隱遁處也

國朝

紅面長老乾明寺僧僧衆鳴鐘而食長老獨棲一龕去寺六七里鐘鳴卽至人怪其疾跡之見其足不履地凌空而行後大雷電遂失其所

包漢祖順治年住持城北之泰山廟常枕瓦卧石而眠一日病卒居民葬之有鎮中人自南陽途中遇道人負蒲團蹠一足自言南遊朝山歸聞其已死驚駭共啟視之則空棺止存一履也康熙元年因重修廟宇得屋瓦上七言詩一

首墨跡瑩然如新其詩云昔日嵩巖居泰山修真養性悟  
元關紙窻竹壁春秋曉瓦枕石床夢寐安匣內七星斷怪  
劍爐中五采煉還丹自從功滿朝元去寶鼎瑤琴空自懸  
注包漢祖羽化辭六字土人傳誦之

僧志遠不知何許人乾隆五年行脚來伊陽村人以吉祥寺  
無主使居之終日閉戶不與人接三年忽去遺有五詩云  
峴山如岫爲崑岫汝水分林成森津伊邑莫云無勝地一  
邱一壑亦驚人狐假威嚴能似虎驢加裝飾亦如麀麀世間  
多是假龍象莫笑葉公好未真將軍無籠口猶臭太尉當

有陽集三  
卷四  
三  
權足亦香古昔人情猶若此近今何怪有炎涼一牛雙尾  
象何新兩犬對言形亦真先兆危機多不悟世人盡是夢  
中人世無伯樂識良馬人盡葉公好假龍此後逍遙塵世  
外迷樓不打醒人鐘其言類有道者

列女

明

李氏張之錦妻姑病思食肉家貧弗給氏割股進之姑病尋  
愈邑令康孟侯旌其門曰婦孝可風又侯氏陳士俊妻亦  
以舅所福疾割股食之而愈邑令王來遠題其門曰孝婦



之門

張氏劉廷臣妻夫死自縊妾陳氏撫孤成立見廷臣傳

吉如馨妻范氏 諸生陳王訓妻張氏 廩生劉應豸妻王

氏俱苦節題旌

孔孝瑗邑令貞璞女山東曲阜人幼許字同邑顏伯玉子光

朝孝瑗隨父之任伊陽未配光朝生母早背哀慕自縊瑗

聞訃痛哭絕粒三日亦自縊時崇禎九年十一月十八日

距夫亡十有八日也年十五歲東撫題而雙旌之伊人慕

其義立碑於東門外

按伊陽自成化十二年設縣迄天啟凡七朝而錄存列女僅有八人其采風者之失歟

陳氏南陽訓導張曜母也曜妻常氏明末土寇破城常氏謂夫曰汝爲男子何地不可逃生曜曰有老母在義不可舍氏與二子泣訣投井死姑陳氏亦投井死逾月出其屍俱顏色如生廵道楊公題其井曰徹底澄清學院莊公旌其間曰節孝雙清

雍正六年  
入節孝祠

龔氏諸生陳來泰妻土寇陷城氏隨夫避寇至古城寨遇賊被執抗不受辱賊劫其五歲兒脅之不顧投井死賊亦殺

其子而去陳氏諸生劉爾楨妻別駕象明之母也隨夫避  
寇夫亡於汝氏從崎嶇戎馬間挈其子歸遇賊泣告其艱  
苦賊憐而釋之茹荼訓子卒以成名年七十餘邑令王公  
宗朱以抗難守節撫孤延齡題其門

劉氏庠生葉巍然繼室也流寇猝至避山中被害巍然又娶  
胡氏生子一尙在襁褓土寇破城母子墜城下死之

按明末汝州四屬流土各寇交訐殘害最毒他邑志俱  
載殉難姓氏而伊乘載倉猝赴義者僅五人倖免者一  
人或以土寇據城五年慘戮尤倍他邑併無父老之傳

聞耶可慨也矣

國朝

霍氏諸生趙蘊璋繼室翁姑俱老前室遺一子尚幼氏年幼適趙仰事俯育曲盡勞勩未幾蘊璋卒父慮氏年少無所出欲其改適氏矢死靡他一日其父過視氏送之門見有一男子窺之氏疑其父有他志夜自經死邑令康孟侯旌其門曰貞烈維風

傅氏邢可教妻年二十一守寡七十餘年貢生溫煖有傳

劉氏楊天申妻夫死未殮里中艷其色者已謀欲娶之氏聞

卽自縊以殉署邑令高公旌其閭曰巾幗忠臣入祠

王氏滕暉妻夫亡年少母姑逼嫁自縊同時有李氏楊書升妻夫亡在外聞訃哀號輒歸投繯合葬知縣呂大抱並旌其閭

王氏內埠民張天祿妻天祿夜出外有強暴二人突入室挾刃迫奸氏號呼不從賊怒引刃刺之手臂皆傷氏奮力格鬪罵不絕口賊奮刀亂刺身被數創血濺滿室會村隣救至賊乃逸去邑令馮怡崔淇先後旌其門

文從世妻張氏趙元瑞妻袁氏張成龍妻翟氏監生賈天德

名陽縣志 卷四  
妻馮氏鄭國璜妻于氏並割股療親疾張奇妻段氏夫亡  
撫遺腹割股愈姑病尤爲節孝兩全後又有武生寶魁元  
妻馬氏劉樞妻孫氏割臂肉啖姑愈疾事

姚雙姐蕭庄人年十五父介入山伐木母尹氏歸寧遺雙姐  
獨處有同宅之姨兄孫姓者突入室調戲女大罵孫懼而  
逸女忿不欲生待父歸訴知後乘間自縊而死乾隆八年  
題奉

旨建坊

孫氏太學生陳炎之妻年十九適炎結褵七載夫歿卽欲服

毒家人防守之不獲復欲引刃又不獲伺間投繯而死乾隆二十三年題 旌建坊

杜氏諸生夏統之妻及笄于歸年二十三夫病革氏泣謂夫曰脫有不諱吾志自決夫爲之首肯而目瞑氏誓以死殉家人防察甚嚴有子甫二週母責之曰爾懷抱中物夏氏之嗣也死將若之何氏始進飲食撫遺孤又二歲已離乳哺氏攜歸母家徧謁諸姑伯姊屬諸舅氏善撫視之氏素循禮家人意謂欵洽語也是夜遂自縊於室時雍正乙卯三月事也孝廉張施仁作傳以紀其事

田氏王連陰妻夫晨往田力作有強暴袁天武踰垣入持刃  
求奸氏厲聲力拒連被數創氏誓之益甚姑聞聲應之賊  
復往刃姑氏奔至姑室賊又刃斫其臂而逸越日氏與姑  
俱殞命乾隆十六年題寘袁于理氏奉

旨建坊旌表

李氏曹九惠妻年十六適夫夫喑啞而有瘋疾氏事之甚謹  
三載夫亡侍姑又數年姑歿氏哭之失明視窻空畢自縊  
而死時乾隆二十四年九月初三日也年二十八

劉氏內埠民張子明之妻雍正七年夫亡絕粒七日死氏年



二十五又柴氏內埠民武有忠之妻乾隆二十七年夫亡  
自縊年二十三

王氏王有倫妻夫亡欲殉節痛孀姑無可依倚紡綿侍養姑  
憐其年少且貧窘欲其他適氏誓死不從有卜者來姑誘  
出門外問卜實令謀娶者旁窺之也氏覺旋閉門引絃自  
絕時乾隆二十七年四月也知縣李章堉題其門曰義凜  
冰霜

王氏劉興漢妻夫亡家貧日不聊生紡績奉舅姑死葬以禮  
有二子相繼沒僅遺一孫撫之成立勞瘁四十餘年孫僅

爲人傭工未克表揚知縣李章埜題其門曰歲寒松柏

武氏張詩妻夫好飲恒外出不歸里中惡少申馬二人艷其  
色昏夜假冒其夫排闥至寢所氏立覺察之大呼追出二  
人逸去夫歸泣訴之飲恨投繯而死乾隆二十八年題奉  
旨建坊旌表

張氏趙天祿妻貢生趙先第之母也氏生先第甫二齡夫客  
於外不歸氏紡績爲活獨任仰事俯育之勞及先第遊庠  
奉母命出門訪父歷關陝淮徐間往返者屢矣卒不獲氏  
備嘗艱苦四十餘年而卒知縣李章埜題其門曰飲蘖丸

熊汝州進士王巨源爲之作傳

張氏馬滋植妻監生馬珩之母也結褵未久夫亡守節荼苦備嘗訓子成立知縣李章堉給匾旌其閭

趙炎妻張氏 張其績妻王氏 劉華峙妻孫氏 生員秦

琛妻沈氏 李思忠妻尤氏 生員馬士友妻申氏 傅

舉妻李氏 孫世振妻師氏 師頌颺妻員氏 杜純然

妻曹氏 喬荏妻王氏 張平章妻呂氏 范君成妻趙

氏 趙元魁妻李氏 劉需梅妻傅氏 黃巨琨妻趙氏

李常繼妻胡氏 劉需楷妻張氏

以上建坊

武生杜正魁妻鄔氏 趙之相妻宋氏 張蘭妻陳氏、劉

德馨妻宋氏 劉德芳妻張氏 趙晉輔妻丁氏 趙士

良妻梁氏 吳珍妻石氏 陳汝翼妻曹氏 陳汝爲妻

龔氏 趙裕業妻武氏

以上彙題入祠

傅瑗妻曹氏

詳請題旌

張國鼎妻范氏 庠生翟文季妻李氏 王文元妻范氏

楊秀生妻武氏 朱正色妻楊氏 監生譚思忠妻張氏

吳文昇妻侯氏 劉觀行妻劉氏 陳繼平妻藍氏

李應舉母朱氏 生員竇士正妻王氏 吳勉妻張氏

生員張高昇妻郭氏 魏成玉妻周氏 魏翥妻趙氏

黃檀妻朱氏 辛曰政妻沈氏 庠生葉奇妻王氏 廩

生邢顧行妻牛氏 楊自振妻師氏 楊文德妻王氏

翟璜妻賈氏 趙勳妻班氏 翟得敬妻朱氏 劉永建

妻羅氏 石懷德妻徐氏 劉國文妻趙氏 張魁妻谷

氏 王文妻田氏 胡年妻王氏 郭元勳妻潘氏 王

彥士妻郭氏 楊晨妻張氏 孫珪妻洪氏 張瑄妻張

氏 夏才儒妻張氏 王本仁妻張氏 常敬立妻史氏

張景星妻董氏 張瑞妻羅氏 張秉鐸妻李氏 監

生周良史妻張氏 呂光福妻趙氏 杜璵昌妻高氏

孫連芳妻王氏 張大綸妻屈氏 程琇妻張氏 李承

祀母張氏 生員吳自重妻徐氏 王祥妻藍氏 廩生

陳瑗妻常氏 余起麟妻王氏 曹蕭翮妻趙氏 王化

民妻張氏 李口口妻魏氏 楊振孔妻張氏 布衣錦

妻黃氏 張洪仁妻王氏 廩生劉恒峙妻張氏 曹廷

隣妻羅氏 閔大爵妻子氏 王民珽妻馬氏 錢永純

妻劉氏 生員夏維妻申氏 張景良妻楊氏 宋棟妻

樊氏 張宗文妻李氏 楊有聲妻楊氏 王治已妻李

氏 張爾祿妻侯氏 張宗孔妻孟氏 劉五倫妻李氏

魏于泰妻劉氏 張規妻李氏 張運九妻郭氏妾劉

氏 胡廷獻妻賢氏 丁士昇妻柳氏 張芳名妻趙氏

閆煥然妻李氏 庠生閆時然妻孫氏 張韶妻趙氏

陳禮妻趙氏 趙五典妻王氏 王修身妻魏氏 廩

生王大德妻胡氏 秦廷周妻王氏 侯叙公妻李氏

孫復振妻吳氏 竇繼湯妻秦氏 夏文妻王氏 和口

口妻薛氏 秦清妻竇氏 秦廷瓚妻王氏 于可立妻

王氏 李仕民妻王氏 張林妻王氏 趙守財妻杜氏

劉大章妻康氏 史洪妻李氏 李明妻溫氏 夏書

妻翟氏 孫仁麟妻宋氏 丁全智妻高氏 武生冀成

德妻王氏 吳景塘妻房氏 王國俊妻張氏 張灝妻

楊氏 杜容衆妻左氏 李進義妻王氏 秦友妻葛氏

王進仁妻李氏

按以上各氏並載舊志註明待

旌以年遠事寔無考道光十三年三月知縣張道超彙詳十四年

奉

旨予旌



丁氏孫發振妻年十七于歸於孫翁與繼姑吳氏在堂未三  
年夫歿翁亦繼逝氏事繼姑倍極殷勤撫遺子讀書成立  
夫弟朝振少有廢疾不能存立氏使與己子淳同居同食  
三十餘年如一日人尤賢之守節已三十四年乾隆三十  
二年

旌

劉氏傅岱妻年二十五夫故繼姑在堂兩弟尙幼子念祖甫  
周歲家貧自或日不再食而奉親撫弟必極周備念祖稍  
長課讀綦嚴咕嚙之聲常至丙夜弱冠卽登賢書始自慰

日汝父一衿未青賴爾一吐抑塞也乾隆三十四年

旌

杜氏魏于瑞妻年十九歸魏越二年夫故氏上事翁姑下撫嗣子逮舅姑歿氏以針帚餘資殯葬如禮乾隆二十九年

旌

黃氏張鏃妻年二十夫故無子絕粒者數日人以翁姑在堂不得殉夫曉之遂孝奉舅姑敬事兄嫂恩待諸姪獨自甘粗糲糟糠不厭後取姪占元爲嗣乾隆三十九年

旌

孫氏張天秩妻年十八夫故無子家又赤貧或有疑其不能終志者氏聞之卽引刀斷指以自誓時翁患癱症氏隻身侍奉數年不懈姑性嚴厲氏善承色笑極得其歡以無近支取遠族子承繼撫之成立乾隆四十五年

旌

馬氏張夢賚妻年十九夫故無子屢自投繯翁姑慰之曰汝死則二老無依將委溝壑氏乃勉進飲食奉事惟謹後以族姪爲嗣乾隆四十五年

旌

劉氏張應拔繼室年十九夫故無子時翁姑已歿祖姑在堂  
氏引剪自刎祖姑急奪其剪泣曰汝死我萬難活將負汝  
一向孝心氏乃悟後祖姑患癱症六年氏奉侍始終罔懈  
前室遺一子已繼長門氏撫養成人授室生二孫乃取其  
一爲嗣孫俾延夫脉乾隆四十八年

旌

汪氏張子輿妻年十九以夫病危于歸於張八閱月卒未成  
禮而夫故翁姑以思子成病並卧床褥者九年氏生養死  
葬有賢孝稱撫幼嗣成人娶媳閭氏生孫而嗣子病亡閭

氏感姑苦節亦守志終身乾隆四十八年

旌

張氏楊添保妻囚王添幅圖姦自縊乾隆五十三年

旌

張氏許健妻年十七嫁五閱月而夫亡家貧親老氏紡織營  
運以供衣食養生送死罔不如禮以獨戶無應繼之人乃  
取同姓子許純儒爲嗣教之讀書成立易單寒爲書香氏  
之力也乾隆五十三年

旌

黃氏段瑾妻年二十夫故剪髮斷指以自誓生一子未幾殤以別無可繼之人取族孫段涇爲嗣孫紡織度日斷炊時輒言餓死事小失節事大以自解乾隆五十五年

旌

李氏靳智妻年十七于歸結褵彌月翁亡又二月而夫故姑探其志氏泣曰竭力守死以盡婦道他不知也由是侍奉益謹靳於伊陽爲流寓無可似續乃與母家胞兄李欽徒步赴原籍曲沃取從子承嗣零丁孤苦至于成立乾隆五

十五年

旌

常氏劉得子妻因夫胞兄劉順子圖姦不從立時將本婦殺  
死乾隆五十六年

旌

閔氏馬琇妻年十六于歸三閱月而夫故孀姑在堂家計維  
艱氏紡織奉親甘旨無缺以獨戶無應繼之人取同姓子  
馬金錫爲嗣延師課讀弱冠卽遊庠食餼人以爲節孝之  
報乾隆六十年

旌

劉氏馬鏘妻年十六于歸兩閱月而夫故氏紡績佐翁姑甘旨撫繼子讀書成立嘉慶五年

旌

吳氏張毓相妻年十九夫故家貧遺孤甫三月逾年翁歿氏殯葬如儀以紡紵奉祖姑暨姑饗飧教子讀書有法嘉慶九年

旌

閆氏王亮妻因何淵圖奸不從捐軀明志嘉慶十年

旌



張氏劉模妻年十七夫故未幾翁亦以痛子亡氏涓吉殯葬  
悉如禮法奉孀姑數十年得其歡撫繼子如己出人以為  
難嘉慶十一年

旌

吳氏王鯁忠妻年十八夫故家貧氏孝事舅姑善撫幼子鄉  
里賢之嘉慶十二年

旌

雷氏楊生財妻年二十二夫故上有舅姑下無子嗣家徒壁  
立奉堂上旨甘無缺逮翁姑相繼歿氏生嘗湯藥死安先

瑩罔不曲盡其禮顧以似續無人苦節五十一年資志以卒嘉慶十五年

旌

常氏趙鳳妻年十七夫故姑何氏素多疾氏奉侍醫藥三十餘年未嘗少怠人以孝婦稱之無子以姪書堂嗣守節三十五年卒嘉慶十五年

旌

趙氏楊芳妻年十七夫故善事翁姑克盡婦道逮嗣子亡而

無子不得已取嗣孫承祧守節五十年卒嘉慶十六年

杜氏張書齡妻因被王禹強姦不從將本婦立時殺死嘉慶

二十年

旌

邢氏王槐蓬妻年十七夫故姑以思子多病氏奉養無方時  
失弟王槐三甫六歲代姑撫養倍極勤至延師教讀事事  
繩之以禮比弱冠卽入邑庠後取槐三子爲嗣嘉慶二十

三年

旌

張氏王建業妻年十九夫故無子時翁姑年皆六旬未幾姑歿氏勸翁繼娶爲似續計翁難之氏屢以爲言翁感其意乃置妾陳氏後連舉二子建鐸建卓翁亡二子方孩氏與庶姑分鞠之迨建卓生子純佑乃取以爲嗣庶姑陳亦守節終身道光五年

旌

劉氏潘銘妻年二十二夫故氏自甘粗糲奉堂上必以甘旨翁姑歿附身附棺勿使有悔撫遺孤成立道光五年

旌

按以上各氏俱專案請

旌

苗氏李廷儒妻年二十一夫故仰事俯育無不周至守節五十四年卒

張氏苗甲瑞妻年十九夫故家貧於姑則送死養生於子則顧復教誨守節六十三年卒

曹氏張宗魯妻年二十三夫故踵遭翁變孀姑在堂夫弟宗周尙幼子甫二齡氏上事姑中教弟下撫孤不辭勞苦守志六十年卒

李氏張宗周妻年二十三夫故撫遺孤授室而子媳復又雙

亡守節五十八年卒與宗魯妻曹氏稱一門雙節云

許氏監生黃杞妻年十九夫故氏勤以事親儉以教子恪守

婦儀守節六十一年卒

王氏劉淮妻年二十二夫故雖家未充足而孀姑之奉養必

周人稱其孝教子尤有義方守節五十八年卒

馬氏劉羣冕妻年二十一夫故奉姑以孝教子以嚴守節五

十七年卒

常氏陳德基妻年二十六夫故以十指所出養子成人守節

五十九年卒

孫氏楊芝妻家本儒素姆教夙嫻年十八夫故無子翁姑在堂夫弟皆幼氏奉養二親勸勉三弟卒皆成名以姪嗣守節四十七年卒

焦氏胡明貴妻年二十三夫故翁姑已背子女皆無由是足不出戶者數年嗣夫兄生子執成取以承祧守節五十六年卒

李氏劉淮妻年二十三夫故哀姑已屆七旬遺子僅及週歲苦心勞力凡四十二年完節而終

張氏吉天伸妻年二十七夫故五閏月遺腹生男氏悲喜交  
集喜夫有後悲子無父也孤兒寡婦歷盡艱難守節四十  
一年卒

趙氏楊斯來妻年二十一夫故家赤貧上事衰親下撫穉子  
悉惟紡績是賴卒稱完人守節六十二年卒

馬氏劉明玉繼室年十九夫故上奉衰姑先意承志下撫前  
室遺孤恩勤倍至守節五十九年卒

蔣氏戴繼成妻于歸三載叠遭大故始而舅姑卽世旋又外  
子云亡氏年甫十九耳葬埋事畢盡心撫子及子授室生



孫子媳遽爾雙亡又撫孤孫成立守節六十四年卒

傅氏武表妻純孝性成歸武後翁染重疾氏焚香禱天割股煎湯以進翁疾獲痊乃夫漸得瘋疾調治防範卒歸無效迨翁姑相繼歿哀禮兼盡有子三人皆教以禮義焉守節五十七年卒

王氏武大中妻年十九歸武結褵四載夫亡遺子瑞年甫及週室如懸罄更鮮親族氏竭力營葬養子成立守節四十一年卒

陳氏李沐妻年二十二夫故翁姑俱存子女無出生計益窘

氏力蠶桑勤紡織代子養親二十餘年如一日既取夫姪  
樹桐爲嗣鞠育教誨至老不倦守節四十六年卒

張氏魏章妻秉性柔嘉持躬恪慎年二十二夫故姑年邁子  
初生且家無儋石之儲族無強近之親氏知義安貧雖勞  
不怨奉盤匱安窀窆婦還兼子操井臼支門閭女以代男  
及子長成義方是訓乃子乏嗣而歿惟與孀媳形影相弔  
而已守節六十三年卒

郭氏監生趙克昌妻出自儒門素諳禮則相夫子必敬必戒  
事孀姑盡力盡心年二十夫故遺子寅亮顧復教誨幸見

生孫媳亡復爲子娶李氏閱數載子又歿李氏亦矢柏舟  
節三代孀養一孫是賴迨姑病歿竭力經營喪葬如禮冰  
蘖萃於一門尤增人嘸嘆云氏守節五十年卒

尙氏王有功妻年二十六夫故上有八旬老姑下有半齡穉  
子仰事俯育苦守五十六年完節而終

劉氏張溢妻年二十六夫故無子氏痛哭欲絕徒以有垂暮  
孀姑留身代子養生送死禮無不周以胞姪嗣恩養訓迪  
逾于常格里人至今稱之守節五十五年卒

王氏馬順繼室年二十九夫故無子以姪嗣授室生孫而守

卷四  
與媳又相繼亡孤苦零丁撫孫成立馬氏宗祧賴以不墜  
守節五十六年卒

董氏楊敬祖妻產自儒家動遵禮法事翁姑能色養紡織佐  
良人讀年二十七夫故無子以姪承烈爲嗣念家世書香  
延師教讀期望尤殷厥後採芹食餼皆母氏之教也守節  
五十三年卒

孫氏申越繼室夙嫻閨訓并日親操女紅佐讀年二十六夫  
故卽欲身殉念原配遺有一子幼弱無依遂矢志撫孤教  
誨婚娶歷盡艱辛鄉黨賢之守節四十八年卒

丁氏劉鑲妻勤操作寡言笑紡紝佐夫讀年二十八夫故無子以姪爲嗣氏孝事衰親恩撫嗣子守志四十八年完節以終

董氏張維寅妻夙聞庭訓年二十一夫故無子氏侍奉雙親獨任生養死葬提攜二弟均令幼學壯行遠弟生子取以爲嗣守節三十三年卒

何氏苗方升妻年十九夫故無子氏奉侍翁姑承歡養志訓迪嗣子面命耳提足爲閨閻之矜式焉守節五十六年卒萬氏葉環妻年二十二夫故無子以姪爲嗣勤儉持身義方

教子家以小康守節三十八年卒

張氏李上章妻年二十四夫故翁姑俱已暮年一子尙在襁  
褓氏力肩重任辛苦畢生守節二十八年卒

溫氏閻大朝妻年二十七夫故氏孝事孀姑撫二子成立均  
納粟爲太學生遂其觀光之志守節四十二年卒

常氏趙萬鎰妻年二十二夫故家貧氏以十指所出奉養孀  
姑撫育幼子姑歿喪葬盡禮教子尤有義方守節四十八  
年卒

趙氏陳肇基妻家本寒微深明大體年三十夫故有勸改適

者氏泣曰陳氏世代單傳茲幸有三子宗祧是寄忍使不  
血食耶後孫曾林立及見四世守節五十六年卒

常氏寶魁東妻年二十五夫故子甫半齡氏撫之成人授室  
生孫而子又亡始則一綫相承繼而孫曾林立守節五十  
九年卒

韓氏傅嘉昌妻嘉昌出繼於叔氏于歸後事兩翁兩姑咸得  
歡心年二十九夫故家貧無子氏奉親益謹逮翁姑去世  
氏繼姪爲嗣以主祭葬宗祀於焉有託大體深明洵無愧  
於儒家婦也守節四十年卒

趙氏袁世平妻既歸儒門允稱閨淑年十九夫故無子以姪嗣上則服勞盡禮下則鞠育盡恩兼治內外無不咸宜事親至老教子成人守節五十七年卒

馬氏杜傑妻年二十一夫故邁姑弱子力任仔肩迨送老歸終訓子成立氏泣曰吾可見亡夫於地下矣守節六十三年卒

牛氏段天保妻雖產農家心知禮法年二十六夫故氏絕粒者二日孀姑勸之曰汝欲從夫地下獨不念家貧親老孤兒失恃乎氏始忍悲進食飲既而姑病卧床蓐者十八年



事奉湯藥始終罔懈及姑歿悉變所有以營喪葬由是家益窘饔飧不繼苦節四十八年卒

朱氏李楷妻持家勤儉隨夫七載織以佐耕生子二人育以兼教事奉翁姑必具甘脆年二十三夫故氏事親養子獨任仔肩卽遇歉歲衣食不致短絀由氏經理之善也守節五十二年卒

李氏趙其學妻出自蓬門行端言恪年二十二夫故無子家徒壁立戶鮮應門氏與孀姑相依爲命操井臼任紡織以奉饗殮及姑歿葬之以禮自此獨守孤燈形影相弔宗族

鄉黨咸憐而敬之守節五十年卒

紀氏嵩縣進士紀暉女魏王翼妻詩禮名家孝友成性年二十三夫故祖翁姑年俱古稀翁雖未老姑已病危一弟二妹均在幼齡遺孤甫三月未幾姑卒翁續繼姑多病氏奉侍兩代撫育四穉百計維持無少欠缺葬以禮養以恩遠近稱賢守節四十三年卒

王氏李璉妻幼讀女箴長嫻婦德年二十九夫故遺一子甫四歲家無次丁氏乃并日親操冰霜自矢及子長教以耕讀數十年間孫曾繞膝咸秉氏訓焉守節五十二年卒

何氏王宗孟妻生自儒門幼嫻閨訓年十八夫故上有翁姑家徒四壁而生奉甘旨死籌喪葬咸臻妥善因子死亡取堂姪爲嗣守節五十六年卒

馮氏張鵬越妻年二十夫故無子翁姑以氏年少家貧私探其志氏曰從一而終婦之正也由是藉針黹以奉雙親及翁病默禱於天願以身代既卒買棺無資氏貸於隣刺繡半年以償其值翁遺幼子氏親愛逾常奉姑尤謹飲冰茹蘗守節五十五年卒

張氏王德生妻年二十四夫故投繯遇救時翁姑在堂子甫

匝月遂以奉親撫孤爲己任十年之間翁姑相繼歿氏亦抑鬱而亡

馬氏翟應圖妻事親相夫有賢孝稱年二十七夫故因家貧歲歉有勸婦改適者氏怒而哭於夜半對月焚香誓無二志爲娣竊聞娣徐氏也先已各鬻因欽氏節憐氏貧卽邀與同居從此氏衣食無憂得專志事親教子人兩賢之守節四十一年卒

魏氏邢州平妻年二十二夫故無子翁姑哭之甚慟氏忍悲而慰曰夫弟雖幼尚可承膝下之歡媳雖愚亦知守柏舟

之志也從此事親益謹待弟益周送親之老完弟之婚皆  
氏所獨任後弟生二子氏撫長者爲己子以延大宗之祀  
守節五十九年卒

席氏范可成妻年二十三夫故家計維艱遺子甚幼含殮卜  
葬竭力經營紡績勤勞苦度歲月撫子成立守節四十八  
年卒

殷氏張沛妻年二十九夫故無子家貧勤紡績以奉翁姑甘  
旨已則鶉衣藿食嘗言分所應然迨翁姑先後云亡葬皆  
如禮取繼族中以延宗祀守節四十六年卒

傳聞錄三  
卷四  
三三  
張氏靳統賢妻年二十二夫故立志撫孤守節四十三年卒  
胡氏袁九法妻年二十四夫故惟勤紡績上事翁姑下撫幼  
子守節三十七年卒

邢氏李思銳妻年二十三夫故上事衰邁之翁姑下撫提攜  
之穉子守節五十三年卒

徐氏翟應書妻卽翟馬氏之娣也先奉親命兄弟分居嗣因  
馬寡復又合爨詎不旋踵氏夫亦歿馬詢行止曰嫂何爲  
月下焚香我豈無同志乎馬曰果爾我季子卽汝子也氏  
跪謝遂告祖過房撫如己出此後其事雙親唯恐或後以

年二十二夫故守節四十四年卒

劉氏姜天眷妻年二十四夫故無子翁姑亦相繼歿姜係獨  
戶無可繼續守節二十六年抑鬱而亡

楊氏張銘妻年十九夫故孀姑藉媳以延生藐孤賴母而成  
立孝慈兼盡守節三十五年卒

蕭氏張克寬妻年二十五夫故遺一子年幼多病至十六歲  
而夭乃取姪之子慎言爲繼孫鞠育教訓至於成立守節  
四十五年卒

呂氏狄相妻年二十六夫故翁姑年俱衰邁遺子森年甫二

齡奉事雙親生養死葬莫不如禮教子尤有義方得以身  
列泮宮守節三十四年卒

董氏穆浩妻年二十夫故氏甘旨奉親丸熊教子書香不替  
早歲遊庠守節四十四年卒

角氏靳心廣妻年二十夫故代子事親兼父教子洵無愧焉  
守節三十三年卒

劉氏監生常釗妻年十九適釗孀姑衰老釗有瘋疾氏事之  
甚謹結褵逾載生一子甫數月釗瘋疾夜發持刀亂刺氏  
頭面受傷十餘處比夫兄鉅踰牆奔救氏昏迷在床釗已



自縊越日氏聞夫死泣欲身殉姑勸之哀始進飲食遺孤  
乏乳其嫂劉氏攜抱撫育與其子共乳不啻己出姑病氏  
焚香祈天割臂肉一嚙啖姑姑病尋愈數年姑歿殯葬畢  
氏拜其嫂曰吾兒成人皆兄嫂之力吾無功焉自今以後  
吾兒卽若兒矣吾大事既畢將奉姑於地下遂絕粒死

康氏張林生妻年二十三夫故無子氏貧紡以奉雙親生養  
死葬咸如禮法取姪爲嗣守節三十三年卒

劉氏王居亳妻年二十夫故無子念翁姑年邁弟幼家貧勉  
任仔肩以代子職及夫弟授室生子曰盛氏取爲己子俾

列成均守節四十二年卒

谷氏李克長妻傷翁姑之喪子奉事益謹痛孤兒之無怙教  
育有成守節四十一年卒

孫氏馬福妻出自蓬門歸於望族年三十夫故有子五人家  
徒四壁氏以十指之出俾衣食無缺子漸長使各立恒業  
數年之間家計日裕後嗣衆多人皆憐其始而喜其終焉  
守節四十四年卒

李氏趙寅亮繼室節婦趙郭氏之媳也年三十夫故上事兩  
代孀姑下撫前室遺子人稱一門雙節焉守節三十三年

卒

申氏增生陳文垣繼室年十七夫故上無翁姑下無子息形  
單影隻茹藥飲冰後取夫兄之子爲嗣守節二十一年卒  
傅氏楊偉烈妻年二十四夫故有親是奉無子可依後以姪  
爲嗣旣長業儒俾無替家聲焉守節三十五年卒

張氏楊明玉妻年二十夫故雙親已老一子甫生氏孝敬倍  
摯教育尤謹守節四十六年卒

王氏李泳妻年二十四夫故翁姑在堂遺子登榜年止五齡  
越十餘年竭力摒擋爲子授室乃媳甫至門而子暴卒頃

刻之間翁姑哭孫氏哭子媳哭夫慘可知矣媳劉氏亦與姑氏同志守節終身惜無似續以繼禋祀爲可悲耳氏守節四十六年卒

傅氏劉亦莊妻年二十一夫故無子祖翁及孀姑在堂季弟尙幼大事旣畢復爲夫弟完姻生兒以爲己子後因弟無次男命祧兩房焉守節四十八年卒

張氏崔大用妻年二十一夫故上無翁姑下無子息甘心一瞑與夫同穴因念崔本儒家忍令明禋遽斬因以夫姪爲嗣業儒家聲賴以不墜守節三十六年卒

仝氏傅友賢妻生自農家善理生業于歸時夫以業儒貧困  
氏謀於父佃人之田晝則隨翁姑力作夜則紡績並勸夫  
設館教讀不數年間家道漸起夫故後守節三十三年卒  
李氏王好用妻雖出蓬門言行有則年二十七夫故氏矢堅  
心以奉二老保遺腹期獲一男逾月生子翁姑喜曰子歿  
得孫王氏宗祧賴以不絕囑氏善撫之氏昏定晨省以事  
親移濕就乾而育子迨翁姑相繼辭世氏鬻嫁時妝奩以  
營喪葬哀禮兼盡守節四十三年卒

劉氏朱夢麟妻年二十夫故事翁姑以孝聞迨堂上相繼歿

氏哭過哀猝然氣絕幸救而甦殯葬如禮無子以姪嗣守節二十九年卒

苗氏樊純妻生於農家深明禮則既歸樊門度日艱苦氏操井臼勤紡織藉以補苴繼而家計漸豐年二十一所天遽歿翁姑在堂夫弟尚幼承先啟後氏任仔肩奉親則婉言愉色惟順無違待弟則委曲周旋既育且教爲之延師爲之婚娶人咸欽賢孝焉守節三十七年卒

常氏葉春章妻年二十六翁故夫亦尋卒氏禮事孀姑繼承猶子支傾歆之棟竭養送之忱守節三十年卒

師氏監生王瑋妻年二十九夫故無子以姪嗣堂上之旨甘  
無缺而氏惡衣惡食謂未亡人分所應然其姊胡氏張氏  
亦皆孀寡承先啟後氏爲領袖焉守節三十年卒

張氏嵩縣解元張爾銘女廩生陳文壇妻出自儒家幼嫻母  
訓于歸後恐夫以家務分心以仰事爲己任夫得專志芸  
窻早年採芹食餼不謂年二十九遽咏柏舟時惟祖姑在  
堂遺子尚幼氏承歡鞠育備極周詳祖姑壽至九十九歲  
而終二子亦皆成立守節二十年卒

吳氏苗景芳妻家傳耕讀賦性幽閒年二十夫故繼姑周氏

在堂夫弟景輝周所出年甫八歲氏身任績紡養姑育弟  
至景輝成立爲之娶妻杜氏不數年間幸舉二子氏取其  
長子應璋爲嗣乃景輝旋亦云亡周氏痛之情深卧病數  
載氏率杜氏事奉維勤及周氏歿氏亦勞苦成疾竟致不  
起守節三十二年卒

胡氏王瑞妻年二十五夫故氏王師氏之娣也幼而慧長而  
賢十年之內生子三人乃夫與兄同時而歿氏與妯同志  
守貞協力事親盡心教子因其娣張氏亦夫故乏嗣乃以  
長子繼兄三子繼弟三娣撫三子各傳一綫其子皆賢克



振家聲守節十八年卒

杜氏邢捷元妻年二十夫故無子家貧氏勤紡績以奉翁姑  
取承繼以延宗祀守節十九年卒

翟氏監生翟鳴臯女孟文德妻年二十四夫故四越月遺腹  
幸舉一男乃以事親鞠子爲己任無如痛夫情切鬱結難  
伸守節凡十二年抱未竟之志而歿

按以上已故節婦八十二人道光十三年詳十四年

旌

劉氏嵩縣生員劉梅女監生杜廷獻妻年二十一夫故維時

翁姑已背遺一子名有義迨其成立娶媳常氏而子亦亡  
姑媳孀寡並矢柏舟之志守節已七十四年現年九十四  
歲

常氏監生常信女杜有義妻卽杜劉氏之媳也于歸時姑已  
孀居年二十二夫故因念家無次丁巳又乏嗣遂留軀奉  
老擇嗣延宗今姑壽逾大耋氏亦年越古稀守節已五十  
三年

張氏嵩縣歲貢張芳女魏志正妻年十八夫故舅姑在堂夫  
弟尙幼迨弟成人氏以十指所積爲之授室不數年間連

舉二子氏取其長者爲己子守節已七十年

朱氏張景林妻年二十六夫故孀姑已邁遺子朋烈年甫三  
齡氏勤紡績以給饗殮迨子長娶媳獲孫而子亦歿已守  
節六十一年

藥氏張朋烈妻卽張朱氏之媳也年二十三夫故孝奉孀姑  
恩撫遺子守節已四十年

蔡氏高洪顯妻年十八夫故無子不辭勞瘁孝事翁姑守節  
已六十六年

趙氏溫有智妻年二十二夫故盡婦職以事翁姑繼猶子以

綿宗祀守節已六十二年

段氏監生段振女從九品銜王慎行妻年二十三夫故氏怙翁恃姑撫姪爲子既長俾列成均守節已六十年

黃氏劉文丙妻年二十一夫故奉翁姑於遲暮撫遺子以恩勤守節已六十一年

李氏裔全禮妻年二十一夫故翁亦旋卒遺子大重年僅及週氏自食糟糠孀姑則甘旨無缺人稱其孝守節已六十年

劉氏魏錚妻年二十五夫故氏仰事俯育極盡艱辛迨子授

室而子又亡媳亦旋歿乃取繼孫以延宗祀守節已五十七年

石氏楊量妻年二十九夫故維時翁姑已歿子僅周齡守其成立又復天亡取姪爲嗣守節已五十三年

閻氏張錕妻年二十夫故氏婦兼子職以事孀姑母任父功以教幼子旣而姑歿子殤形影相弔而已守節已六十年  
李氏鄭泰來妻年二十五夫故奉翁姑有賢孝稱無子以姪爲嗣守節已五十四年

王氏姚喜春妻年二十六夫故今翁姑尙享高年而子孫亦

名陽集卷四  
三  
皆繼起守節已五十年

杜氏張全仁妻年十九夫故時祖姑老邁舅姑殘疾子甫三  
月家又寒微氏養生送死獨任仔肩鞠育恩勤不遺餘力  
守節五十六年己孫曾繞膝矣

李氏尙定周妻年二十二夫故時翁歿姑存遺子尙在襁褓  
啟後承先惟氏是賴守節已五十三年治家猶孜孜不倦  
焉

夏氏張廷拔妻年二十四夫故翁姑年老孤子方孩氏生則  
盡職死則盡禮子長業儒督課甚嚴尤能以母代父守節

已五十一年

吳氏李瑄妻純孝性成勤勞夙著于歸李門家貧如洗氏備  
甘旨以奉翁姑勤紡織以供衣食甚至力作於野採薪於  
山不分寒暑殆無一日安閒年二十八夫故舅亦尋卒孀  
姑孀媳遺子七齡相依爲命迨姑歿無力安葬親隣憐其  
孝皆樂助之俾得三柩葬於祖塋今家道小康皆氏勤儉  
之力也守節已四十七年

李氏胡士型妻傳家詩禮賦性幽閒年二十五夫故夫雖有  
兄分居各爨氏獨奉孀姑定省無間痛夫無子取姪承祧

惟勤縫紉而外事不聞謹守閨門而理家有道守節已四

十九年

董氏王興業妾孟津民董五之女董五因歲歉攜女來伊氏以無計存活願鬻身以遺親於是適王事正室馬氏甚敬馬亦憐之年二十九馬氏與夫相繼歿僅遺氏所生一子既而娶媳子又云亡復取姪孫爲後守節已四十五年

孫氏袁文行妻素諳女德秉性端莊年二十七夫故時翁七十子僅三齡閱十有六年翁將歿指氏曰吾獲遐年賴有賢婦也又有氏夫堂姪袁成族孫袁運皆幼失怙恃俱撫



養成人爲之婚娶族人嘆爲不及守節已四十六年

梁氏楊中文妻年十八夫故翁姑在堂子甫六月氏婦兼子職菽水承歡已則粗食敝衣安貧守志翁姑得以安享三十餘載以終天年訓子有成守節已五十四年

樊氏魏岷妻年二十二夫故時祖姑衰老姑舅俱存遺子幼弱氏留一身以承四世於親則養生送死於子則晝荻丸熊子亦循良書香不替守節已五十年

張氏樊桂妻年二十四夫故翁姑年已七旬遺子甫經十日氏代子事親無愧色養越五年翁姑並卒經營喪葬盡禮

盡哀今守節四十八年已五孫繞膝矣

席氏康應泰妻年二十四夫故事孀姑以孝撫遺子以慈每語人曰惟嚴可以兼慈盡慈卽所以盡孝也人以爲名論云守節已四十八年

何氏趙有典妻年二十五夫故翁已老子甚幼承先啟後一任仔肩守節已四十七年

董氏夏珩妻年二十夫故氏菽水承歡螟蛉負子守節已五  
十一年

徐氏董琳妻年二十夫故仰事俯育氏無愧焉守節已五十

年

張氏何德隆妻生於望族性慤行端佐理家政井井有條奉事親庭殷殷不倦年二十六夫故奉孀姑撫幼子莫不周至守節已四十四年

馬氏袁經妻年十九夫故事親則百年而盡遺腹則一索得男守節已五十年

劉氏張克忠妻年二十夫故無子翁姑在堂夫弟尙幼承先啟後獨任仔肩迨弟生子鳳鳴取以爲嗣幼教以文繼習弓馬身列膠庠氏之教也守節已四十九年

崔氏吳友妻年二十五夫故翁姑在堂遺子彥伸年甫四歲  
迨授室生孫而子又亡撫孤孫幸已成立守節已四十四  
年

任氏吳彥伸妻卽吳崔氏媳也于歸之日姑已孀居有年年  
十九幸舉一子而夫尋卒祖翁姑哭孫姑哭子慘不可言  
氏轉披淚勸慰由是隨姑守節事親盡孝撫子盡慈守節  
已三十二年

傅氏魏鳳妻年二十六夫故念孀姑盤飧誰奉二子衣食何  
求遂志切從三毀妝守節今雙親已歸吉兆二子克繼

香守節已四十三年

趙氏李豫經妻年二十九夫故迄今翁年已九十有四神明不衰子又生孫守節蓋四十年矣

王氏張銘妻幼奉姆儀賦性賢孝年二十夫故孀姑在帷子女無出家徒四壁紡織爲生取幼姪爲子以延夫祀守節已四十八年

張氏李培元妻年二十二夫故孝翁姑撫嗣子守節已四十六年

劉氏傅正元妻年二十五夫故翁患癱瘓手足不仁氏扶持

存陽縣志 卷四 三  
醫藥數年不懈撫幼子成立守節已四十三年

韓氏李鳳翔妻生本寒家夙嫻婦德年十八夫故無子家貧時祖姑衰邁姑亦多疾三代孀嫠一燈同泣氏奉養賴十指之出立賢傳一綫之宗守節已四十九年

張氏劉蟾坊妻幼讀女箴長承姆訓年二十夫故奉翁姑孝道無虧嗣猶子箕裘克紹守節已四十七年

殷氏閻文煥妻年二十夫故越兩月遺腹生男悲雙親中年而獨奉養益勤痛一兒未產先孤鞠育尤謹守節已四十六年

李氏葉朝選妻年二十二夫故奉堂上之翁姑視膳問安靡  
勞不怨繼懷中之猶子幼撫長教唯疾之憂守節已四十  
四年

張氏劉克恭妻年二十八夫故翁姑俱在子女皆無氏事衰  
親而定省承歡艱辛備閱繼猶子而詩書是訓督課維勤  
守節已三十八年

辛氏楊薰妻年二十二夫故氏奉親益謹取姪承祧養老送  
終存歿皆能如禮承先啟後內外均無間言守節已四十  
三年

武氏員祿德妻年二十九夫故時翁姑見背弱子僅存氏克勤克儉獨支寂寞之門以撫零丁之子守節已三十六年

楊氏石保元妻年二十五夫故逾月遺腹生男氏孝奉衰翁善撫孤子守節已三十九年

袁氏侯萬義妻年十九夫故代子事親繼姪爲嗣有賢孝稱守節已四十五年

劉氏王桐芳妻年二十九夫故遺子尚幼氏身任勤勞奉姑養子及子成立娶妻王氏結褵二載子又云亡王氏亦矢志守貞與姑同操氏守節已三十五年



楊氏景丹妻幼而慧長而賢克儉克勤以資膏火勉夫矢志  
芸牕乃賦命不辰年二十一夫故二親已老遺子尙孩氏  
操井日以奉甘旨勤紡績以撫遺孤守節已四十二年

康氏張天祿妻年二十二夫故孀姑垂白越古稀而壽終孤  
子方孩未成童而知學守節已四十一年

李氏苗方膏妻年二十二夫故孀姑在堂遺子尙幼夫弟方  
泰尙在髫年氏仰事俯育獨任仔肩旣而夫弟授室孟氏  
而弟亦亡乃爲孟氏立嗣以堅其志守節已四十一年

孟氏苗方泰妻苗李氏之娣也年二十夫故不忍孀嫂獨受

卷四  
三  
艱辛井日同操妣所步亦步所趨亦趨稱雍睦焉守節已三十八年

馮氏李瑜妾逢門弱質秉性堅貞瑜因乏子娶氏爲妾越三年氏年十九瑜竟亡矣正室劉氏以氏年少勸其改適氏指天守志誓守從一之義劉亦尋卒遺女六齡氏撫女之恩不異已出並取夫姪以延宗祀守節已四十三年

常氏馬齡妻性沈靜寡言笑于歸後甚得孀姑之歡迨夫弟受室待娣優於妹操作必先飲食惟後一門和洽人皆慕之年二十三所天不祿子女俱無氏事姑益謹紡績彌勤

無事足不出門既而夫弟生子取以爲嗣守節已三十九年

劉氏郭渠妻年二十七夫故雙親垂暮一子方孩仰事俯育氏無愧焉守節已三十五年

姬氏生員姬雲瑞女趙萬邦妻生自儒門深知禮節早歲于歸期偕白首青年喪偶惟秉素心時上有翁姑下遺幼子且家計日艱饔飧匪易氏井日操持奉親至老書囊檢點教子有成守節已三十四年

申氏洛陽監生申棟女監生杜有仁妻秉性端莊事事必循

規矩結褵後奉侍翁姑咸得歡心佐理家政悉臻妥善年  
二十三翁姑不祿夫亦尋歿煢煢子立形影相弔乃取猶  
子爲嗣守節已三十七年

耿氏陳應麟妻生於農家頗知禮法年二十四夫故上事七  
旬孀姑下撫三齡弱子稍長就傳業儒書香克紹守節已  
三十六年

李氏王印妻勤儉溫恭聞於鄰里子歸後午夜機杼達旦年  
二十五夫故奉菽水而事親晝荻灰而教子守節已三十  
五年

張氏傅春生妻生於巨族性潔行端年二十六夫故闕數月  
遺腹生男氏仰事孀姑俯鞠幼子姑歿無以自存乞居母  
室迫子成立而歸守節已三十四年

馬氏監生馬憲女趙士睥繼室幼卽端莊長尤謹慎年十九  
夫故上有六旬姑舅下遺三月孤兒倍歷艱難守節已四  
十年

馬氏劉昌妻家本清寒律身勤儉年二十一夫故越數月遺  
腹生男恩勤教養迄今子又生孫守節已三十八年

張氏閆彪妻年二十一夫故無子氏自茹藥冰勒供菽水迄

翁既歿形單影隻益復淒涼守節已三十八年

張氏王璞繼室係已故節婦王師氏王胡氏之娣當于歸時翁姑在堂氏夫與兩兄咸授室八口之家翁如也繼而兩兄同時亡甫及二年氏夫與翁又歿老姑痛子喪明一堂孀寡慘况奚堪氏與妯各矢清貞互相憐愛協力事姑定省惟恐或後人稱一門三節孝莫不敬佩焉夫故時氏年二十二今守節已三十七年

劉氏生員劉炳女趙榮妻生自儒門嫻於庭訓于歸之初值姑抱恙侍奉湯藥未嘗廢離數月而歿佐夫卜兆與翁合

葬年二十四夫邁時疾氏百計調治竟至無效含悲矢志  
之死靡他乃取猶子以承宗祧保抱提攜教誨婚娶大事  
完而心力瘁矣守節已三十五年

李氏王建績妻幼有離見母氏小康夫家會其于歸時請於  
母曰無治教查願給其資旋置薄田與夫力作南畝時祖  
姑年逾八旬且多病舅姑亦皆垂暮夫兄謀食他方經營  
四年痛夫遽逝氏年甫二十耳由是益肩重任勤慎養親  
迨祖姑暨翁姑先後去世莫不喪葬如禮且召夫兄還取  
次姪爲嗣今氏猶經理一切不辭勞瘁焉守節已三十八

年

張氏生員張錫極女楚瑩清妻生自儒門舉止中禮當十九  
而咏關雎琴譜瑟叶越八年而分鸞鶴志死心灰徒以二  
老在堂不忍一身同穴復念箕裘莫繼急爲取姪承祧迨  
至翁歿姑亡喪葬皆得其禮子長孫生訓誨靡不有方丁  
出寡而漸多家由貧而漸裕皆氏之力也守節已三十二  
年

楊氏王宣妻年十九夫故上有舅姑下無子女家道式微氏  
勤紡績孝事雙親託蘋蘩禮取猶子力振圯傾門第以承



耕讀家風守節已三十七年

閻氏楊鳳鳴妻年二十夫故仰事俯育人無間言守節已三十六年

王氏滕樂信妻守約甘貧勤儉中禮年二十四夫故孀姑在堂下遺二女氏以婦代子高堂之甘旨無虧取繼承祧膝下之箕裘有託今姑年八十餘頤養康強教子耕讀家聲漸振守節已三十二年

趙氏閻銳志妻生自單寒歸於蓬華年二十九夫故孀姑在堂阨窮無度氏織紡易粟拾薪供爨汗雨粟肌勞苦無怨

無子以姪嗣守節已二十七年

張氏閻彩妻通孝經嫻女誠年二十夫故氏十指經營以奉孀姑越三載姑卧病氏鬻奩醫藥凡十五年而始愈現雖白髮鬢髮步履頗健咸謂孝感所致所惜氏夫世代單傳又鮮宗族竟無可繼之人尤可悲憫守節已三十五年

杜氏苗景輝妻節婦苗吳氏之娣也生性謙和言行中禮于歸時姑與姒皆孀居氏雖年少卽知承先啟後責在一身遂佐理家政勉夫勤業乃寔命不猶所天不祿氏年甫二十耳幸遺二子與吳各撫其一由是奉姑事嫂孝謹益加

稱爲賢孝洵無媿焉守節已三十四年

田氏郭申安妻賦資淑慎秉操堅貞年二十一夫故舅姑在堂遺子尙幼承先啟後惟氏是賴守節已三十三年

段氏生員段淮女監生史述安妻生自儒門素嫻庭訓事夫則必敬必戒持家則以儉以勤年二十七夫故時姑目失明氏代梳洗侍盤飧展衾席飽暖飢寒刻刻繫念教子則寬嚴並濟不事姑息守節已二十七年

王氏李汝森妻荆布柔婆單寒淑賢年二十一夫故上有雙親已老下無六尺遺孤乃取繼延祀承歡奉養守節已三

十二年

馬氏捐職千總常景顏妻氏夫本遺腹子姑有疾賴伯母劉乳哺成立迨氏于歸姑及夫咸告以故氏敬劉無異於姑年二十二夫故姑亦旋卒既無子女亦無可繼之人唯與劉依倚爲命痛癢相關守節已三十一年

史氏杜兆祿妻生自蓬門歸於貧戶當夫在日衣食已極艱難年二十二夫故甫匝月姑亦隨歿明年翁又辭世疊遭大故棺擲衣衾悉由稱貸三櫬在堂一子在抱不得已質屋營葬乃攜幼子乞居鄰家苦節三十一年無一日之安

樂馮

左氏監生左玓女胡中元妻秉幽閒之性歸詩禮之家有雞鳴戒旦之風年二十四夫故以家計艱難布帛米薪出於紡績奉親撫子人以賢孝歸之守節已二十九年

吳氏裔明禮妻年十九夫故翁姑亦相繼逝祖翁在堂已逾九旬弱子在抱甫及一歲氏藉紡織以養迨祖翁病不起床褥氏親奉飲食數年如一日逝世後將三代棺柩安葬祖塋悉稱如禮守節已三十三年

汪氏監生汪銳女常夢乘妻生自儒家歸於望族年十九夫

故痛夫仙餘二老遺腹幸產一男氏且喜且悲喜夫之有  
後而悲其未及見也由是事翁姑以孝待諸弟以恩處妯  
娣能讓課遺子嚴慈兼盡鄰里咸敬佩之守節已三十三  
年

劉氏王光卓繼室貞靜端莊寡言罕笑年二十夫故孀姑已  
邁子女皆無氏曲意承歡生養死葬莫不如禮以姪承嗣  
守節已三十二年

按以上現存節婦八十四人道光十三年詳十四年  
旌佳與已故各氏共建總坊

張氏武生張清臣女卜振先妻子歸後事姑相夫一依禮則  
嗣振先以餬口無資投充縣學門斗道光元年因公在省  
病死旅舍氏聞信情傷哭泣之哀行道酸鼻夫弟扶柩旋  
里時氏姑已歿停棺在堂氏與夫弟計議於是年十一月  
葬姑及夫塋畢氏撫子背而泣曰勉爲善良潛入臥室執  
刃刺胸血流滿地家人覺而趨救並問其故氏曰夫既客  
死何忍獨生言畢而卒死時年六十五

按以上烈婦一人道光十四年

旌

王氏翟如珍妻年二十六夫因家貧出外謀食堂上雙親年逾七十懷中弱子歲甫一周氏井臼親操紡織是力勉供菽水苦度晨昏豈期如珍音信不通迄無下落由是竭力承歡以慰翁姑之盼養生送死無毫髮之憾人以賢孝稱之教子尤有義方自夫出至身歿越四十七年

師氏趙登瀛妻出自蓬門生性勤儉母氏既貧夫家尤窘登瀛業儒未就糊口他方詎經年累歲音信杳然氏藉十指之出仰事堂上翁姑俯育二齡弱子盼夫不至目斷行雲於親則生養死葬於子則教誨提攜自夫出至身歿越五



十五年

按以上孝婦二人道光十四年

姓

屈氏大學生張淑銘妻夫亡無子厲志自守翁病症累年氏日夕侍側唾壺穢器手自滌洗翁憫之令少休曰未亡人所以至今日者欲爲夫供子職耳翁支離床褥間恨不能代忍卽安乎終不稍懈

張氏武洪妻年十八歸武二十一歲洪死上有孀姑下無子姪時洪兄亦相繼歿嫂劉氏再醮氏獨苦守姑媳相依爲

命鄉里敬之

申氏武生張聯英妻年三十七夫故撫子灝成立娶妻楊氏  
生一子而灝復夭乃與媳楊氏撫孤以女紅度日一門雙  
節

羅氏張文巨妻年三十一夫故遺二子學顯俱幼氏家貧守  
節親執耒耜力田以撫養二子成立爲娶妻且生孫矣

按以上舊志所載彰善錄道光十四年

旌

程氏先賢裔程九代女張積善妻結褵三月而夫亡取堂姪

三多爲嗣時翁患瘡姑患癱氏先意承志終無怠容迨道光十四年翁姑先後繼歿殯殮後自言大事已完後嗣已立吾事畢矣乃絕粒數日死道光十五年

旌

汪氏劉培妻年十九夫故無子翁患癱瘓庶姑亦多病不能侍疾氏左右奉養咸得歡心夫弟培甫離襁褓提攜保抱惟氏是賴後取埇子金堂爲嗣道光十八年

旌

馬氏李學琫妻年二十一歲夫故子方彌月繼姑生姑多病

氏曲意扶持歷久不倦教子有方道光十八年

旌

王氏夏恒泰妻年十七夫故紡績以奉翁姑繼姪以延宗祀  
乾隆四十四年前任給扁時守節已三十一年

胡氏李有成妻有成出外貿易氏翁得瘡症甚危延醫調治  
數日不愈氏手足無措乃夜禱竈神剖左肱肉以食舅舅  
瘡頓減不日卽能行走後其父來省視見女臂常屈細問  
始知其事乾隆四十年前任給扁優獎

以上二人待

吳氏王燧妻年十九夫遊學不歸貞守六十二年卒

桑氏趙文炳妻年十八夫故有勸另適者氏哭於夫墓淚盡繼之以血數日竟死

李氏高海妻年二十六夫故欲以身殉姑防之得間自縊

黃鳳姐幼許字尙虎山爲室同居未配年十六虎山病歿結襦柩前有欲奪其志者絕粒七日死

李氏楊書昇妻夫歿自縊

馬氏趙煌妻年十七夫渡河溺死越數日守護稍懈自經死

谷張氏

住城西七里之青泥溝夫名無考

年二十五夫故家貧勉鞠幼子迨

授室生孫而子媳復相繼歿氏又撫弱孫成立雖已逾百齡日夜紡績弗輟壽終百十七歲守節九十二年天之以壽報之者亦厚矣

王氏石俊妻年二十一夫故逾月自縊

王氏潘克禮妻年二十三夫故奉翁姑三十年事畢絕粒死  
賈氏劉振文妻年二十三夫故無子家貧氏日夜紡績以奉翁姑又爲翁納妾生二弟氏撫養成立以次弟之子爲嗣

楊氏邢朋妻 呂氏高溫妻皆割股逾翁

張氏李修南妻 任氏王萬秀妻 楊氏趙思恭妻 石氏

韓體恭妻 程氏張鑣妻 趙氏趙賢妻 武氏耿灼妻

韓氏袁振靈妻均割股愈姑

楊松妻苗氏 楊鵬妻李氏 劉浩妻石氏 張百元妻閻

氏 石三多妻胡氏 侯萬義妻袁氏 邢清泰妻閻氏

邢煥妻劉氏 邢敏妻常氏 邢秉恭妻尤氏 邢可

重妻楊氏 杜昌妻張氏 汪鳳翔妻劉氏 夏克廣妻

王氏 馬長春妻張氏 杜蘭妻張氏 杜履祥妻戴氏

王玉印妻申氏 石崙妻李氏 武生翟中魁妻汪氏

庠生石克繩妻張氏 武生宋大魁妻張氏 楊洽邦

妻侯氏 夏榮泰妻張氏 董琳妻徐氏 石桂妻劉氏

王棫妻石氏 李繼先妻孫氏 石耀宗妻羅氏 王

居恭妻全氏 張一祥妻楊氏 張鵬翔妻楊氏 武生

尙魁妻張氏 石嘉林妻張氏 石含義妻朱氏 貢生

楊萬三妻翟氏 寶國治妻馬氏 閆文煥妻殷氏 趙

有龍妻曹氏 常端妻余氏 魏翹繼室李氏 陳照妻

李氏 苗錦淮妻張氏 王永妻侯氏 王安邦妻遂氏

全有臣妻史氏 劉元鑑妻郭氏 申昌妻車氏 申



茂妻何氏 汪槐妻何氏 汪克太妻劉氏 賈元輔妻

張氏 謝永福妻馬氏 李嶽東妻張氏 李旺繼室董

氏 馬公錫妻陳氏 李懷妻王氏 馬鳴春妻黃氏

李位西妻張氏 馬名驥妻楊氏 李輔君妻連氏 常

其祿妻王氏 馬綸錫妻秦氏 馬桂錫妻郭氏 秦進

妻楊氏 吳致和妻閭氏 王好勇妻李氏 劉全興妻

聶氏 王曰篤妻杜氏 李會妻張氏 增生張仲友妻

劉氏 曹思賢妻申氏 李漢妻龔氏 劉萬有妻盧氏

馬鑑妻張氏 張輔清妻侯氏 劉文貞妻張氏 段

九齡妻朱氏 張永益妻夏氏 段瀾妻張氏 張永福

妻馬氏 劉彥儒妻文氏 常春芳妻李氏 李作基妻

胡氏 楊毓珠妻李氏 潘發科妻劉氏 桑文成妻趙

氏 姚錫妻蕭氏 黨作舟妻蕭氏 范金錫妻武氏

任士旺妻董氏 史秉心妻李氏 蕭漢臣妻傅氏 庠

生黃巨林妻張氏 姚永安妻吳氏 姚永慶妻周氏

高楓妻王氏 聶大定妻趙氏 荆忠信妻張氏 溫繼

堯妻曹氏 黃煖妻狄氏 張森妻趙氏 狄念祖妻周

氏 馬慎修妻申氏 趙士倬妻馬氏 周易妻郭氏

靳本誠妻辛氏 陳倉妻孫氏 耿文光妻萬氏 李卓

妻袁氏 翟桐妻劉氏 張勉妻石氏 尙際泰妻史氏

楊銘鼎妻史氏 楊國寶妻張氏 楊國寶媳常氏

楊芬妾連氏 生員常鳳瑞妻師氏 楊鳳輝妻趙氏

殷明錫妻安氏 馬玉瑄妻劉氏 陳玉瑞妻郭氏 胡

廷賢妻謝氏 吳欽明妻楊氏 吳鳳丹妻張氏 吳廷

璉妻路氏 吳炳妻鄧氏 王湘芳妻劉氏 王永友妻

張氏 何生桂妻顏氏 吳有鑑妻王氏 李公秀妻吳

氏 崔大壽妻張氏 竇懷德妻王氏 生員汪文紹繼

室解氏 張林妻劉氏 竇書常妻張氏 馬振邦妻閻

氏 王曰士妻韓氏 劉峒妻張氏 楊魁妻武氏 蔡

汝璉妻郭氏 王謨妻王氏 王柄妻熊氏 金生福母

王氏 王璉妻張氏 王家泰妻王氏 蔡汝梅妻秦氏

王得路妻李氏 李杖妻馮氏 王福隆妻郭氏 李

平妻郝氏 劉宗道妻魏氏 常順妻劉氏 李含須妻

陶氏 和敘妻秦氏 馬文煥妻劉氏 竇魁章妻李氏

余標妻王氏 張慎志妻章氏 張鏞妻薛氏 王平

妻蕭氏 符泮妻柴氏 張安妻卜氏 劉左坊妻趙氏

生員邢大名妻王氏 邢清用妻吳氏 邢建極妻張

氏 邢崑崙妻姚氏 魏世法妻李氏 田瑞妻杜氏

田有章妻閻氏 王繼先妻魏氏 張環妻張氏 張錦

妻左氏 張景魁妻張氏 魏子恭妻劉氏 魏勉妻張

氏 魏宣妻常氏 張教妻傅氏 張五采妻董氏 穆

漢妻劉氏 郭立禮妻劉氏 葉春揚妻常氏 李國選

妻許氏 監生劉中天妻曹氏 胡廷良妻王氏 張士

合妻楊氏 從九品張統中妻黃氏 高四妻韓氏 鄭

文壽妻李氏 庠生楊文忠妻韋氏 楊天衢妻申氏

曹克黨妻張氏 張鵬里妻袁氏 楊萬松妻郭氏 杜

天顯妻謝氏 杜天建妻李氏 周俊德妻武氏 聶九

州媳趙氏 杜廷楷妻李氏 杜廷輝妻李氏 張先登

妻郭氏 杜雙慶妻張氏 楊一元妻王氏 王得輔妻

張氏 王平西妻劉氏 李鳳德妻張氏 李凌雲妻董

氏 任五行妻袁氏 趙連妻張氏 呂音和妻秦氏

劉環妻劉氏 劉全坊妻張氏 劉會坊妻張氏 陳石

林妻李氏 龔燦妻楚氏 張振清妻王氏 廩生馬賦

洛妻張氏 陳酉官妻辛氏 李三樂妻李氏 丁文貞

妻李氏 馬九錫妻李氏 萬法倫妻范氏 王廷瑞妻

樊氏 馬師德妻張氏 監生 魁東妻高氏 劉世才

妻陳氏 夏大貴妻汪氏 李古忠妻潘氏 潘舒泰妻

李氏 李思勇妻劉氏 王宗二妻葛氏 潘經歷汪作

霖繼室紀氏 舉人曹健妾李氏 楊芳媳趙氏 楊宗

武妻李氏 李士元妻陳氏 長光第妻陳氏 李先知

妻馮氏 馮九卿妻申氏 徐彥賓妻郭氏 夏範妻蕭

氏 魏口口妻杜氏 吳有 妻王氏 董 妻李氏

寧懷德妻王氏 傅學素妻王氏

以上新探待

旌

張五人妻魏氏 趙維江妻杜氏 曹維寅妻趙氏 曹文

章妻李氏 郭永祥妻裔氏 薄九州妻王氏 庠生邢

惠妻田氏 禹奉妻傅氏

以上各氏皆年逾三十居孀例不請旌其苦節終

身未可泯也附誌於篇